

唐圭璋編註

正中書局印行

南唐二主詞彙箋

光緒

唐圭璋編註

南唐二主詞彙箋

正中書局印行



究必印翻

有所權版

版初月二十年五十二國民華中
版四臺月十年八十五國民華中

箋彙詞主二唐南

角六價定本基 册一全

(費匯費運加酌埠外)

璋 主 唐 者 著 編
潔 局 書 中 正 刷 印 行 發

(號十二路陽衡市北臺灣臺)

司 公 書 圖 成 集 銷 經 總 外 海

(號一一一街老皆亞龍九港香)

店 書 風 海

(地番六五目丁一町保神田神區田代千都京東本日)

和(0640)號八七六〇第字業臺版內 證記登都政內

趙序

蘭荃之業。萃甲於陳隋。導流於太白。溫韋有作。造詣益深。二主丁離亂之秋。寄幽憂之致。吹氣如蘭。中人欲醉。迨夫聖宋開基。名賢輩出。音政之盛。無俟贅陳。自元而還。迄於今日。以論詞筆。珠玉在前。未能或勝。若謂詞學。晚出愈精。何遽多讓。綜其隆替。蓋有說焉。夫詞肇自聲詩。貴便舉唱。旗亭畫壁。厥爲絕句。引字填腔。斯有小令。於茲孳乳。繹作長調。分宮備律。千百其體。故就詞言。當以樂調宗風。分鑣立格。然胡元入主。散套雜劇。奪席以興。詞譜旣廢。曠不能歌。斜上旁行。徒供研討。卽論境界。上者不脫蹊逕。次者靡入俳俚。吾道爲之不尊。詞筆似拘所限。向所持論。實主於斯。至於問學。初則散在叢編。漸乃勒爲詞話。宋人激揚之說。固未盡當。徒摘麗詞。或題本事。混成一集。未有傳播。書棚諸槧。詩富於詞。卽至朱明。升庵之探蹟。渚山之甄采。雖云軼古。不能方今。至南湖嘯餘。相繼訂譜。潁川吳江。各製總集。領域較廣。訛奪尤甚。有清一代。樸學大盛。流風餘韻。

澤被詞苑。叢刊之出。汲古維先。四印彊村。重以讎校。而萬氏製譜。戈氏論韻。陽湖選政之精嚴。浙派操觚所蒼萃。乃至松陵之詞話。東塾之定律。莫不窮膏晷之功。崇雅正之始。辨微茫於寸黍。商旋羽於五聲。是皆夔越疇曩。卓然宗工。降及並世。蔭樾益繁。馳聲聞於海外。列專教於庠序。或事彙刻。或訂遺篇。或進言板本。以溯其淵源。或僻搜遺詞。以存其墜緒。或著年譜。由論世以知人。或抉微言。盡闡揚之能事。若番禺葉氏。長洲吳氏。海寧趙氏。江寧唐氏。永嘉夏氏。萬載龍氏。凡此名家。幸獲奉手。而觚生亦於餘時。從容詞海。部居總集。校理明詞。深會甘苦之味。有在驪黃之外者也。唐氏嘗以十餘年之心力。輯詞話叢編。全宋詞。金元詞匯。續詞林紀事諸書。其治學之專。爲之低首。近日更箋宋詞三百首及南唐二主詞。嘉惠來學。厥功亦偉。二主所作。千秋絕唱。萬井流傳。屬在聲黨。孰不會心。每致浮詞。輒傷蛇足。唐氏乃追蹤樊榭。綜覈諸家。申以漢人治經之法。用立學者箋詞之型。舉凡板刻年表。讎校箋記。但故籍之可搜尋。片言之可擷采。莫

不甄錄。備著於篇。學者手此一卷。珍重燈窗。微特於二主之詞。多所啓益。卽就其體式以治他家。亦無不釐然有當。周行之示。舍此孰歸。晚出愈精。不其然乎。欣獲諷誦。爰書以歸之。

丙子七月武進趙尊嶽序

按後主卒於七日。傳者以爲太宗賜牽機藥所致。夫太宗雄王新朝。蓮華則廢王禁第。榮辱懸殊。哀樂異趨。昨夜東風之詞。正同於金鳳愁擊之句。然吳越則賈以鐵券。隴西則罪之九幽。事實同符。情何二致。卽有聞者。羅織其事。冀邀殊功。而大命早頒。案讞夕定。肆諸朝市。誰逞異詞。遺以機藥。轉憎多口。且時適太宗萬壽。縱欲寘之死地。何必丁此滿辰。善體普天俱慶之忱。更無旦夕爭存之理。意者後主易簧之時。或多怨誹。而一時載筆之涼。正以太宗之異於繼體。德昭之未盡天年。每拾蜚言。用申孤憤。遂撫瑣闕於說部。比耳食於載言。正似燭影之嫌。幾同信史。消儒光氏已開其謬。重光之卒。庸可無言。用陳斯義。附於序末。以俟學者共論定焉。

自序

南唐二主詞刊本。今傳者有明萬曆庚申譚爾進本。明萬曆庚申呂遠本。光緒劉繼增箋補呂本。明毛晉汲古閣舊鈔本。康熙侯文燦名家詞本。光緒金武祥粟香室叢書重刻侯本。光緒朱景行自永樂大典錄出之全唐詩本。劉毓盤補正大典本。宣統沈宗畸晨風閣叢書刻知聖道齋舊鈔南詞本。宣統王國維校補沈本。光緒邵長光輯錄未定稿本。譚呂毛侯沈五本。編次悉同。惟呂本多擣練子一首。譚本侯本分題中主後主。略有異耳。五本同源。似皆出自宋本。茲以呂本爲主。以各本補正。凡中主詞六首。後主詞四十六首。至蝶戀花或爲李冠作。相見歡或爲孟昶作。菩薩蠻或爲杜安世作。長相思一重山一首。或爲鄧肅作。雲一闋一首。或爲孫肖之作。浣谿沙一曲。新詞一首。或爲晏殊作。轉燭飄蓬一首。或爲馮延巳作。阮郎歸或爲歐陽修作。更漏子二首。或爲溫庭筠作。並兩存之。若十國春秋注所錄中主帝臺春詞。確爲宋人李景元之誤。則不錄云。詞

之校勘。以劉繼增王國維劉毓盤三氏爲最勤。然劉繼增不知有南詞本。王國維不知有呂本。劉毓盤不知有毛鈔本。故所校亦互有闕略。至譚本亦三氏所未見。此外筆記所載。選本所錄。爲三氏所未校及者亦夥。如王國維未及花草粹編。劉毓盤未及欽定詞譜。而劉繼增則每謂花間集作某。亦不知何據而云然。是編綜合三氏所校。復搜輯其他筆記選本詳校之。又箋證本事。惟見劉繼增本。第亦有可補者。不揣譎陋。旣補其所未備。復采錄總評於卷首。繫分評於每首之後。以爲欣賞之助。各家序跋。亦彙列於後。以爲參考之資。更據清周雪客南唐書注。及十國春秋。作爲簡明年表。俾了然於二主之身世。至其詞之高妙。與夫詞句出處。爲人所共喻。或不必注釋者。並從省略。蓋懼蹈草堂之陋習也。

辛未三月江寧唐圭璋

南唐二主年表

一 中主年表

中主李璟。字伯玉。初名景通。先主昇長子。昇字正倫。小字彭奴。徐州人。唐憲宗第八子。建王恪之玄孫。初爲楊行密大將徐溫之養子。遂冒姓徐氏。名知誥。迨卽皇帝位。始復姓李。中主音容閒雅。眉目如畫。好讀書。喜騎射。知音律。少時頗有棲隱之志。紹襲後兄弟友愛倍篤。出處遊宴。未嘗相捨。御臣下及人民尤撫愛備至。惟天性懦弱。寄任非人。遂致喪師辱國。憂悔而歿。諡明道崇文宣孝皇帝。廟號元宗。子十。後主其第六子也。

唐昭宗天祐十三年丙子（九一六） 中主生

是時司空圖已卒八年。羅隱已卒七年。貫休已卒四年。韋莊已卒五年。和凝已十八歲。

是歲徐鉉生。馮延巳已十五歲。韓熙載已十六歲。

是歲蜀以毛文錫
爲文思殿大學士

是歲契丹太祖阿保
機稱帝建元神冊

天祐十四年丁丑（九一七） 中主二歲

中主義祖份

溫治金陵

是歲劉巖稱帝於
廣州國號南漢

武義元年己卯（九一九） 中主四歲

楊行密次子隆演即吳王位拜義祖徐溫
爲大丞相以中主父徐知誥爲左僕射

次弟景
遇生

是歲後蜀
主孟昶生

武義二年庚辰（九二〇） 中主五歲

楊隆演卒
弟溥立

順義元年辛巳（九二一） 中主六歲

三弟景
遂生

是歲徐
錯生

順義三年癸未（九二三） 中主八歲

是歲後唐李存
勣即皇帝位

順義四年甲申（九二四） 中主九歲

四弟景
達生

順義五年乙酉（九二五） 中主十歲

中主官駕部郎中嘗吟新竹詩云樓
鳳枝梢猶擘弱化龍形狀已依稀

是歲唐師滅蜀
蜀主王衍降

順義六年丙戌（九二六） 中主十一歲

是歲蜀王衍被殺後唐
李存勗亦爲伶人所殺

順義七年丁亥（九二七） 中主十二歲

義祖徐
溫祖

楊行密第四子溥即皇帝位改元
乾貞以中主父徐知誥爲太尉

太和元年己丑（九二九） 中主十四歲

吳改元太和徐
知誥兼中書令

太和二年庚寅（九三〇） 中主十五歲

中主爲兵部尙書嘗
築館於廬山瀑布前

是歲楚
馮殷卒

太和三年辛卯（九三一） 中主十六歲

父徐知誥爲金陵
尹以中主爲司徒

太和四年壬辰（九三二） 中主十七歲

是歲吳越
王錢鏐卒。

太和五年癸巳（九三三） 中主十八歲

是歲後蜀
孟知祥立。

天祚元年乙未（九三五） 中主二十歲

吳改元天祚。進封徐知誥
為齊王。立中主為王太子。

天祚二年丙申（九三六） 中主二十一歲

俊主大
周后生。

是歲唐亡。
晉高祖立。

天祚三年丁酉（九三七） 中主二十二歲

父徐知誥即皇帝位。國號南唐。改元昇元。封
中主為吳王。中主改名璟。弟景遷卒。年十九。

七月七日
俊主生

是歲晉以和凝爲
端明殿大學士

昇元二年戊戌（九三八） 中圭二十三歲

吳讓皇
楊溥卒

昇元三年己亥（九三九） 中圭二十四歲

父徐知誥復
姓李更名昇

昇元四年庚子（九四〇） 中圭二十五歲

父昇如江都立
中圭爲皇太子

七子從
善生

是歲蜀趙崇
祚編花間集

昇元七年癸卯（九四三） 中圭二十八歲

父昇卒年五十六。懿曰：光文肅武孝高皇帝。廟號烈祖。中主嗣位。不待踰年。改元保大。尊母宋氏爲皇太后。立妃鍾氏爲皇后。鎮海軍節度使宋齊丘歸九華舊隱。

保大二年甲辰（九四四） 中主二十九歲

正月勅齊王景遂總庶政。惟樞密副使魏岑查文徵得白事。餘非召對不得見。

八月幸欽香亭。賞新蘭。

十二月伐閩王延政。

保大三年乙巳（九四五） 中主三十歲

十月皇太后宋氏崩。

召宋齊丘於青陽。

是歲閩王延政歸金陵。

保大四年丙午（九四六） 中主三十一歲

正月以宋齊丘爲太傅馮延巳同平章事

二月命建州置的乳茶號曰凍挺

五月命王崇文魏岑馮延魯陳覺合攻福州

是歲契丹滅晉來請會盟不從

保大五年丁未（九四七） 中主三十二歲

立景遂爲皇太弟徙景遂爲齊王長子弘冀爲燕王

是歲漢劉智遠稱帝

是歲吳越救福州唐師敗績

保大七年己酉（九四九） 中主三十四歲

正月元日大雪命太弟以下登樓展宴賦詩又令諸臣即時同宴和進徐鉉爲前後序仍集名手圖畫中主詩云珠簾高捲莫輕遮往往相逢隔歲華春氣昨朝飄律管春風今日散梅花素姿好把芳姿比落勢還同舞勢斜坐有賓朋樽有酒可憐清味屬饑家又召宗室大臣赴內香宴凡中國外域名香以至和合煎飲佩帶粉囊共九

十二種皆江南所無也。

是歲命倉曹參軍王文炳摹勒古今法帖上石名曰昇元帖。

保大八年庚戌（九五〇） 中主三十五歲

是歲郭威自立廢其主贊漢亡。劉崇稱帝於晉陽是爲北漢。

保大九年辛亥（九五二） 中主三十六歲

次子弘茂卒。年十九。

是歲楚徐威等廢其君馬希萼。中主命邊鏞出萍鄉討之。

是歲郭威稱皇帝國號周。

保大十年壬子（九五三） 中主三十七歲

是歲南漢乘楚亂據桂宜等州。中主命張樹討之。敗績。詔流邊鏞於饒州。

是歲大旱。南海獻龍腦漿。

南唐二主詞彙箋 年表